



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Compendium Totius Tractatus De S. Matrimonij
Sacramento R. P. Thomæ Sanches E Soc. Iesv**

Sánchez, Tomás

Coloniæ Agrippinæ, 1624

24. Coniux.

urn:nbn:de:hbz:466:1-41559

professionem religionis, *lib. 10. disp. 12. num. 49. & 50.*

Coniux.

1 Qualemcumq; coniugum, nil refert prius interrogari, & verba proficere, sed honestius est, à viro initium lumere, *lib. 2. disput. 31. numer. 12.*

2 Coniux innocens, quamdiu status vtriusque est omnino immutatus, potest adulterum cogere, vt sibi reconcilietur, & tenetur adulter coniuere, quamuis sententia diuortij præcesserit, nec desideratur retractatio sententiæ per iudicem facta, *lib. 10. disp. 10. à nu. 2. vsq; ad 5.*

3 Quando coniux innocens mutauit statum, factus professus, aut sacris ordinibus initiatus, non habet ius ad reconciliandum adulterum. Secus dicendum, si emisit tantum si nplex votum castitatis, *lib. 10. disput. 10. numer. 6.*

4 Coniux adulter, nullâ præcedenti sententiâ, non potest statum mutare, nec vouere, & si mutet, potest reuocari ab innocenti, vt redeat ad vsum; præcedente verò sententiâ iudicis secularis detrudentis adulteram in religionem, transacto biennio potest profiteri. Et si post biennium nondum est professa, potest reuocari ab innocenti, *lib. 10. disp. 10. num. 7. & 8.*

5 Latâ à iudice Ecclesiastico sententiâ diuortij, non potest coniux adulter transire ad reli-

religionem inuito innocenti, & ingrediens potest reuocari etiam post professionem. Idē dicendum, si ingrediatur innocente ignorante, & deficiente eius licentia. Secus, si innocēs id sciat, & non contradicat, cū possit. Item potest reuocari adulter, si innocens reuocet licentiam datam adultero, vt emittat votum, antequam fiat; innocens tamen potest manere in seculo absque voto aliquo. Item potest reuocare innocens adulterum, donec profiteatur, quando est monitus, & non vult. Et adultero iuranti, & probanti, votum se emisisse fides adhibenda est, etiam in foro externo, *l. 10. dis. 10. à n. 9. vsq. ad 17.*

6 Coniux non potest irritare votum castitatis, vel religionis, factum à coniuge adultero post diuortium celebratum, siue cū licentia innocentis, siue sine illa, casu quo posset irritare matrimonio integro. Tamen instaurato postea matrimonio, censebitur sicut si emissum esset ante matrimonium, *lib. 10. disput. 10. nu. 14.*

7 Coniux adulter non priuatur ipso iure debiti petitione, dum inscius est alter, & potest compellere per iudicem, vt reddat, licet innocens habeat leuia indicia, & non sufficientia ad diuortium. Et non tenetur fateri coram iudice suum adulterium occultum. Tamen, si adulter sciat innocentem habere sufficientem certitudinem in foro conscientia, non potest compellere, vt sibi debitum reddat. Et si falsis
testi-

testibus se tueatur, non tenetur restituere innocentibus bona, quorum amissione damnandus erat, *lib. 10. disp. 12. numer. 8. & libr. 1. disp. 68. nu. 4. & 5.*

8 Coniux, ut possit negare debitum, vel propria auctoritate diuertere, requiritur solum moralis certitudo, & non sufficit dubium de alterius adulterio, nec quæcunq; suspicio probabilis, sed desideratur violenta. Dicitur autem violenta non solum, quando inuenitur solus cum sola, nudus cum nuda in eodem lecto iacens, in multis locis secretis ad hoc aptis, & horis electis, sed etiam quæcunq; alia similis, quæ vehementer suadeat coniugis adulterium. Vnde inuenire solum cum sola in loco abdito extra lectum, & horam aptam ad concubium, non sufficit, nisi aliæ circumstantiæ concurrant, loci, temporis, vel personarum, licet deprehendantur se amplexantes, & osculantes. Item non sufficiunt xenia missa ab adultero adulteræ, aut verba amatoria, & literæ etiam confitentes adulterium, *l. 10. disp. 12. à num. 39. vsq; ad 48.*

9 Coniux suspicans adulterium uxoris, potest illam obseruare cum testibus idoneis ad eam conuincendam de adulterio. Non potest tamen offerre illi occasionem, ut adulteretur, aut famulis, ut farentur, nec pactum inire, & amasio eius, castitatem violari tentanti coniuere: concedens tempus, & locum; non solum ut adulterium permittat, sed ut in illo de-

pre-

prehendatur, *lib. 10. disp. 12. numer. 52. 53. & 54.*

10 Coniux petens matrimonium dissolui ratione impotentie, tenetur speciem illius impotentie, & causam allegare, & declarare iudici Ecclesiastico, *l. 7. disp. 108. n. 10.*

11 Coniux impotens, siue impotentia se teneat ex parte viri, siue ex parte foeminae, potest aduersus matrimonium proclamare, allegando propriae frigiditate, vt permittatur transitus ad alias nuptias, quando ignarus fuit illius tempore matrimonij. Et potest index separare eos, si adsit periculum incontinentiae, *lib. 7. disp. 114. à nu. 1. vsque ad 6.*

Consensus.

1 Consensus ad matrimonium ita requiritur, vt nequeat nec de potentia Dei absoluta absq; illo consistere, siue sumatur, dum est contractus humanus à propria voluntate consurgens tanquã à causa, siue dum est vinculum matrimonij. Nec de facto fuit inter primos parentes absque consensu illorum. Potest tamen Deus dare viro potestatem in corpus foeminae, & è contra absq; illorum consensu, ratione maioris dominij, *l. 2. disp. 26. à n. 1. vsque ad 6.* Nec est talis potestas in republica, siue Ecclesiastica, siue seculari. Potest tamen Princeps ob bonum commune aliquos compellere, vt matrimonio iungantur, *l. 2. disp. 27. à nu. 1. vsq; ad 2.*

2 Consensus matrimonialis necessario debet fieri non explicitè ad carnalem copulam: sed in ius, & potestatem ad talem copulam: implicitè

citè